

ACTA núm. 02/2018

REUNIÓN DO CONSELLO COORDINADOR DA AGRUPACIÓN EUROPEA DE COOPERACIÓN
TERRITORIAL DO RÍO MIÑO–AECT RÍO MIÑO

O 3 de maio de 2018, ás 15:30 horas (hora local), reuniuse o Consello Coordinador da Agrupación Europea de Cooperación Territorial do Río Miño-AECT Río Miño nas instalacións da CIM Alto Minho-Valença, no núm. 69 da avenida Miguel Dantas.

Estiveron presentes, en calidade de membros do Consello Coordinador da **AECT Río Miño**, o director, Uxío Benítez Fernández, deputado de Cooperación Transfronteiriza da Deputación de Pontevedra; o vicedirector, João Fernando Brito Nogueira, presidente da Câmara Municipal de Vila Nova de Cerveira; e a vogal, Montserrat Magallanes Álvarez, deputada provincial de Pontevedra. Asistiu tamén á reunión, Júlio Pereira, 1.º secretario da CIM Alto Minho.

A reunión foi presidida polo director do Consello Coordinador da **AECT Río Miño**, Uxío Benítez Fernández, e nela tratáronse, de acordo coa orde de traballo, os seguintes asuntos:

1. Apreciación/aprobación do Plan de actividades e orzamento para o 2018

O director da AECT Río Miño presentou un resumo do **Plan de actividades e orzamento para o 2018** e informou de que este concentra a maior parte dos seus recursos en actividades de consolidación institucional da AECT Río Miño na rexión e de desenvolvemento territorial do Río Miño Transfronteirizo, tanto internamente, a través da sedimentación do traballo en rede coas dinámicas locais de cooperación transfronteiriza (A Guarda-Caminha-O Rosal, Cerveira-Tomiño, Valença-Tui, Monção-Salvaterra-As Neves e Melgaço-Arbo-Crecente) e do apoio á implementación do proxecto "Smart Minho", cofinanciado polo Interreg V-A; coma externamente, a través da presentación da AECT Río Miño a entidades rexionais, nacionais e europeas, e do acompañamento dos proxectos en marcha da Unimiño cuxas competencias legais non pertencen á Administración local. Destacou tamén o soporte regular que, no ámbito do protocolo que se vai asinar coa Câmara Municipal de Vila Nova de Cerveira, se lle prestará ao proxecto "Amizade Cerveira-Tomiño"

Informou ademais de que se fará un esforzo moi significativo na promoción de actividades que contribúan á preservación e valorización do Río Miño Transfronteirizo, en concreto no apoio á CIM Alto Minho e á Deputación de Pontevedra na coordinación e implementación do proxecto "Visit Rio Minho", aprobado polo programa Interreg V-A, e na identificación e inserción en redes e colaboracións nacionais e internacionais que sustenten a estratexia do Río Miño Transfronteirizo, ademais de na procura de fontes de financiamento nacionais e comunitarias e adhesión a eventuais candidaturas.

Para o arranque do funcionamento da actividade da AECT Río Miño, nesta fase informou da necesidade de crear o Secretariado Técnico (2), de acordo co artigo 20 dos estatutos, de xeito que se promova a mobilización e articulación dos recursos humanos da CIM Alto Minho e da Deputación de Pontevedra que están involucrados na implementación dos proxectos "Visit Rio Minho" e "Smart Minho", cofinanciados polo programa Interreg V-A.

En termos de persoal para o 2018, só está previsto ocupar os dous postos de traballo para os secretariados técnicos.

En termos de orzamento, este ten un valor global de 75.800 €, que se corresponden case na totalidade con gastos correntes. Para o ano 2018 está prevista unha coparticipación financeira de 30.000 €, de acordo cos artigos 7 e 8 dos estatutos, por parte de cada unha das entidades asociadas: a Comunidade Intermunicipal do Alto Minho e Deputación de Pontevedra.

Tras esta presentación, o Consello Coordinador decidiu, por unanimidade, aprobar o Plan de actividades e orzamento para o 2018 e solicitarlle ao director que realice as dilixencias necesarias para a creación da Asemblea Xeral da **AECT Río Miño** para que a continuación, e de acordo cos estatutos, delibere sobre a aprobación destes documentos que serán asinados e rubricados polo director e o vicedirector da **AECT Río Miño** e gardados nun arquivo propio.

Estas deliberacións foron aprobadas, por unanimidade, en minuta.

2. Designación do Secretariado Técnico e apreciación/aprobación do Regulamento de funcionamento de acordo co artigo 20 dos estatutos

No ámbito deste asunto foron aprobadas, por unanimidade, as seguintes deliberacións: -

- De acordo cos apartados 1 e 4 do artigo 20 dos estatutos, a designación de Lois Pérez Castrillo como secretario técnico da AECT Río Miño por proposta da Deputación de Pontevedra (anexo 1: Resolución presidencial da Deputación de Pontevedra)
- De acordo cos apartados 1 e 5 do artigo 20 dos estatutos, a designación de António Abílio Pereira Torres como secretario técnico da AECT Río Miño, proposto polo vicedirector da AECT Río Miño (anexo 2: proposta do vicedirector)
- Regulamento interno de organización e funcionamento do Secretariado Técnico e servizos da Agrupación Europea de Cooperación Territorial do Río Miño– AECT Río Miño, que deberá ser sometido á aprobación da Asemblea Xeral para a súa posterior publicación no *Diário da República* (anexo 3: copia asinada do regulamento)

Estas deliberacións foron aprobadas, por unanimidade, en minuta.

3. Asuntos relacionados coa implementación dos proxectos “Visit Rio Minho” e “Smart Minho”

No ámbito deste asunto foron aprobadas, por unanimidade, as seguintes deliberacións:

- No ámbito da reformulación deste proxecto en curso, integración da AECT Río Miño na colaboración do proxecto “Visit Rio Minho”, poñendo énfase na realización de accións previstas na “Actividade 1: Estruturación da Marca Río Miño” (plan de marca, participación en feiras e organización dunha *fam press trip*), cunha dotación global de 45.203,42 € ata o 31 de decembro de 2019
- No ámbito da reformulación deste proxecto en curso, integración da AECT Río Miño na colaboración do proxecto “Smart Minho”, poñendo énfase na realización de accións previstas na “Actividade 2: Participación en festivais transfronteirizos e piloto de mobilidade sustentable” e na “Actividade 6: Promoción do piloto de mobilidade de transportes públicos”, cunha dotación global de 184.570,00 € ata o 31 de decembro de 2019
- Programa provisional do I Foro do Río Miño Transfronteirizo, que terá lugar o próximo día 21 de xuño na ESCE, en Valença

4. Outros asuntos de interese para a AECT Río Miño

No ámbito deste asunto foron aprobadas, por unanimidade, as seguintes deliberacións:

- O logotipo da AECT Río Miño e o respectivo Manual de identidade corporativa (anexo 4)
- A minuta do protocolo de colaboración que se vai asinar entre a AECT Río Miño e o Município de Vila Nova de Cerveira (anexo 5)

Estas deliberacións foron aprobadas, por unanimidade, en minuta.

Sen máis asuntos que tratar, a reunión finalizou ás 17:30 horas.

Para que así conste elaborouse esta acta, que asinaron o director e o vicedirector da AECT Río Miño.

Valença, 3 de maio de 2018

O director

Uxío Benítez Fernández

O vicedirector

João Fernando Brito Nogueira